

sès chi, vesina al cör
coi oci empasionadi
sgionfi che i par 'mpizadi
tendri che i fà pasion

sbrigoì che te 'ntavana
struca 'nmez ala quarta
e i tò sorisi pasi
che me sconfonde dent

e 'ntant el dì 'l và a polsa
strusiandose 'n pò ados
lasando ai tò pensieri
quel bambinel vesin

sarò con ti l'istes
anca se no me avras vesin
sarò con ti, doman
parchè sès el me sol

penseme fòrt empò
entant che sès en festa
teime 'ndei tò pensieri
che ti sès sempro chi

pu fisa, arènt a mi

Giuliano